

**Visoka škola računarstva i poslovnih komunikacija eMPIRICA  
u Brčko distriktu BiH**

**S E N A T**

**Broj: 01-02-003/17-003/17**

**Brčko, 13.04.2017. godine**

Na osnovu člana 17. i 18. Statuta Visoke škole računarstva i poslovnih komunikacija eMPIRICA u Brčko distriktu BiH, Senat Visoke škole računarstva i poslovnih komunikacija eMPIRICA u Brčko distriktu BiH, na sjednici održanoj 13.04.2017. godine donio je

**ODLUKU**

**o izmjenama i dopunama Statuta Visoke škole računarstva i poslovnih  
komunikacija eMPIRICA u Brčko distriktu BiH**

Statut Visoke škole računarstva i poslovnih komunikacija eMPIRICA u Brčko distriktu BiH od 03.10.2013. godine mijenja se i dopunjuje kako slijedi:

**Član 1.**

U članu 2. u stavu 1 u tački 10) iza riječi centara dodaje se „i ureda“

U članu 2. u stavu 1 tačka 11) se mijenja i glasi: „Akademska, finansijska i druga ovlaštenja Visoke škole, centara i ureda;“

**Član 2.**

U članu 5. u stavu (2) riječi „bb“ mijenjaju se sa „8“.

U članu 5. u stavu (3) brišu se riječi „u skladu sa dozvolom za rad.“

**Član 3.**

Član 9. mijenja se i glasi:

*„(1) Nastavna djelatnost obuhvata aktivnosti izvođenja nastavnog procesa za prvi ciklus studija na Visokoj školi. Nastavni proces na Visokoj školi realizuje se klasičnim (face-to-face) metodama i učenjem na daljinu.*

*(2) Naučno-istraživačka djelatnost obuhvata fundamentalna, razvojna i primijenjena istraživanja, zatim objavljivanje rezultata naučno-istraživačkog rada i osposobljavanje i usavršavanje nastavno-naučnih radnika.*

*(3) U oblasti cjeloživotnog učenja obezbjeđuju se programi, kursevi, seminari i treninzi za potrebe usavršavanja zainteresovanih lica, a za određene dostignute stepene se izdaju odgovarajući certifikati, diplome i uvjerenja.*

*(4) Administrativni poslovi se vrše u okviru nadležnih službi.“*

**Član 4.**

U članu 11. brišu se riječi „drugim visokoobrazovnim institucijama“, a umjesto njih se dodaju riječi: „visokoškolskim i drugim ustanovama“.

## Član 5.

U članu 12. u stavu (3) iza riječi „okruglog oblika“ dodaju se riječi „promjera 50 mm i 30 mm (mali pečat)“

U članu 12. iza stava (3) dodaju se novi stavovi (4) i (5) koji glase:

„(4) Visoka škola ima suhi žig promjera 50 mm, čiji je sadržaj istovjetan sa sadržajem pečata Visoke škole.

(5) Suhi žig se koristi za ovjeru diploma koje izdaje Visoka škola o završenom ciklusu studija.“

## Član 6.

U članu 14. u stavu (3) iza riječi „imenuju osnivači,“ dodaju se riječi: „odnosno vlasnici“, a u stavu (7) istog člana briše se riječ „glasova“ a umjesto nje se dodaje: „prisutnih članova“.

## Član 7.

Član 15. mijenja se i glasi:

„Nadležnost Upravnog odbora

U ostvarivanju funkcije upravljanja, Upravni odbor:

- 1) daje mišljenje o Statutu;
- 2) donosi godišnji program rada Visoke škole na prijedlog Senata;
- 3) utvrđuje planove finansiranja i razvoja;
- 4) donosi godišnji finansijski plan, prati njegovu realizaciju i usvaja godišnji finansijski izvještaj;
- 5) pokreće proceduru izbora i daje prethodnu saglasnost za izbor direktora Visoke škole;
- 6) donosi Pravilnik o plaćama, naknadama i drugim primanjima zaposlenika na Visokoj školi računarstva i poslovnih komunikacija eMPIRICA, Pravilnik o kontinuiranom usavršavanju akademskog osoblja na Visokoj školi računarstva i poslovnih komunikacija eMPIRICA i druge opće akte iz svoje nadležnosti u skladu sa zakonom i Statutom;
- 7) donosi odluku o pokretanju novih studijskih programa ili ukidanju postojećih studijskih programa;
- 8) utvrđuje visinu školarine i upisnine;
- 9) donosi odluku o osnivanju drugih pravnih lica, kao i centara/akademija/ureda Visoke škole, u skladu sa zakonom i Statutom;
- 10) usmjerava, kontroliše i ocjenjuje rad direktora u domenu finansijskog poslovanja;
- 11) rješava pitanja odnosa sa osnivačima;
- 12) odlučuje o korištenju sredstava za rad u skladu sa Statutom;
- 13) odgovara osnivaču za rezultate rada Visoke škole;
- 14) odlučuje o prigovoru zaposlenika na odluke organa Visoke škole koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- 15) najmanje jedanput godišnje podnosi osnivačima izvještaj o poslovanju Visoke škole;
- 16) obavlja i druge poslove u skladu sa zakonom, osnivačkim aktom i Statutom.“

## Član 8.

U članu 17. stav (2) mijenja se i glasi:

„(2) Senat čine:

- 1) direktor, koji je po položaju predsjednik Senata;

- 2) svi nastavnici koji su u radnom odnosu na Visokoj školi;
- 3) dva predstavnika iz reda asistenata koji su u radnom odnosu na Visokoj školi;
- 4) jedan nastavnik koji nije u radnom odnosu na Visokoj školi a koji ima izbor u nastavno zvanje na Visokoj školi;
- 5) voditelj Akademije cjeloživotnog učenja, bez prava glasa;
- 6) voditelj Centra za obrazovanje na daljinu, bez prava glasa;
- 7) voditelj Ureda za međunarodnu saradnju, bez prava glasa;
- 8) predstavnik ostalih zaposlenika, sa najmanje visokom stručnom spremom, iz reda administrativnog osoblja, bez prava glasa i
- 9) najmanje 15% članova Senata su predstavnici studenata Visoke škole.“

## **Član 9.**

Član 18. mijenja se i glasi:

### *„Nadležnost Senata*

*Senat:*

- 1) odlučuje o svim akademskim pitanjima Visoke škole;
- 2) odlučuje o pitanjima nastavne, naučne i stručne djelatnosti Visoke škole;
- 3) donosi Statut Visoke škole, nakon dobijanja pozitivnog mišljenja Upravnog odbora;
- 4) donosi etičke kodekse i daje ih Upravnom odboru na razmatranje i usvajanje;
- 5) donosi opće akte u skladu sa zakonom i Statutom Visoke škole;
- 6) donosi nastavne planove i programe i vrši izmjene nastavnih planova i programa;
- 7) donosi studentske programe i vrši izmjene studentskih programa;
- 8) donosi planove pokrivenosti nastave za realizaciju nastavnih planova i programa;
- 9) bira akademsko osoblje na prijedlog komisije;
- 10) bira direktora Visoke škole uz prethodnu saglasnost Upravnog odbora;
- 11) podnosi prijedlog Upravnom odboru za statusnu promjenu, pokretanje ili ukidanje studentskih programa;
- 12) utvrđuje upisnu politiku i broj studenata za upis;
- 13) raspisuje javne konkurse za upis studenata na I. ciklus studija;
- 14) odobrava razvojne i organizacione planove rada;
- 15) imenuje stalna ili privremena tijela, radne grupe, komitete, grupe za praćenje kvaliteta rada, radi pripreme prijedloga ili davanja mišljenja o pitanjima iz djelokruga rada Senata;
- 16) propisuje odredbe kojima se reguliše rad organa koje imenuje Senat;
- 17) donosi akt o politici osiguranja kvaliteta, te druge akte kvaliteta;
- 18) utvrđuje kalendar odvijanja nastavnog procesa, vremenske planove realizacije studentskih programa;
- 19) bira/imenuje i razrješava članove Upravnog odbora iz reda akademskog osoblja Visoke škole;
- 20) imenuje mentore za završne radove;
- 21) raspisuje javne konkurse za izbor akademskog osoblja, te vrši izbor u nastavna zvanja, u slučaju utvrđenih potreba;
- 22) imenuje komisije za pripremanje prijedloga za izbor u nastavna zvanja;
- 23) evaluira rezultate prolaznosti studenata po okončanju ispitnih termina, te utvrđuje mjere za unaprijeđenje stanja u nastavnom procesu u cjelini i u pojedinim segmentima;
- 24) podnosi Upravnom odboru prijedlog godišnjeg programa rada;
- 25) odlučuje o prigovorima studenata;
- 26) obavlja druge poslove u skladu sa zakonom, osnivačkim aktom i Statutom Visoke škole.“

### **Član 10.**

U članu 19. u stavu (3) brišu se riječi: „i Senat“.

### **Član 11.**

Član 20. mijenja se i glasi:

*„Nadležnost direktora*

*Direktor:*

- 1) zastupa i predstavlja Visoku školu;*
- 2) organizuje i rukovodi radom Visoke škole u skladu sa Statutom i drugim općim aktima i odgovoran je za zakonitost rada Visoke škole;*
- 3) predlaže opće akte i donosi pojedinačne akte u skladu sa zakonom i Statutom;*
- 4) predlaže Upravnom odboru mjere za efikasno i zakonito obavljanje djelatnosti Visoke škole;*
- 5) predlaže Upravnom odboru, Senatu i osnivačima osnove planova rada i razvoja Visoke škole;*
- 6) predlaže Upravnom odboru unutrašnju organizaciju i sistematizaciju radnih mjesta;*
- 7) odlučuje o zasnivanju i raskidanju radnog odnosa sa zaposlenicima Visoke škole;*
- 8) odlučuje o odsustvovanju sa rada zaposlenicima Visoke škole;*
- 9) odlučuje o pravima, obavezama i odgovornostima zaposlenika iz radnog odnosa, u skladu sa zakonom, Statutom i opštim aktima;*
- 10) izvršava odluke Upravnog odbora i drugih organa Visoke škole; odlučuje o korištenju finansijskih sredstava u pojedinačnom iznosu do 50.000,00 KM, te uz saglasnost Upravnog odbora za iznose veće od 50.000,00 KM;*
- 11) podnosi Upravnom odboru izvještaj o finansijskom poslovanju Visoke škole;*
- 12) naredbodavac je za izvršenje finansijskog plana;*
- 13) provodi odluke Senata;*
- 14) potpisuje javne isprave i matične evidencije koje vodi Visoka škola;*
- 15) daje prethodno mišljenje Senatu u postupku izbora u nastavna zvanja;*
- 16) prati provedbu planova;*
- 17) odlučuje o pravima, obavezama i odgovornostima zaposlenika iz radnog odnosa;*
- 18) donosi odluku o visini plaće zaposlenika u skladu sa Pravilnikom o plaćama, naknadama i drugim primanjima zaposlenika na Visokoj školi računarstva i poslovnih komunikacija eMPIRICA;*
- 19) daje saglasnost za angažovanje nastavnika i asistenata zaposlenih na Visokoj školi eMPIRICA u nastavi na drugim visokoškolskim ustanovama;*
- 20) podnosi prijedlog Upravnom odboru za organizovanje, statusnu promjenu ili ukidanje centara/akademija/ureda Visoke škole;*
- 21) donosi odluku o visini naknade za polaganje ispita iz nepoloženih predmeta u godini koju student obnavlja;*
- 22) obavlja i druge poslove u skladu sa zakonom, osnivačkim aktom i Statutom.“*

### **Član 12.**

U naslov poglavlja VIII. ubacuje se riječ „uredi“ te ono sada glasi „CENTRI I UREDI VISOKE ŠKOLE I ORGANI CENTARA I UREDA“

### **Član 13.**

Članovi 23., 24., 25. i 26. mijenjaju se i glase:

## „Član 23.

(1) U sklopu Visoke škole djeluju centri i uredi:

- 1) Akademija cjeloživotnog učenja eMPIRICA
- 2) Centar za obrazovanje na daljinu
- 3) ICT Business Innovation Center eMPIRICA
- 3) Ured za međunarodnu saradnju.

(2) Akademija cjeloživotnog učenja eMPIRICA (u daljem tekstu ACU eMPIRICA) u svom konceptu djelovanja podržava ideju cjeloživotnog učenja i oblika obrazovanja koji nisu definisani stepenima obrazovanja. ACU eMPIRICA djeluje sa sljedećim ciljem i zadacima:

- 1) izvođenje obuke i testiranja za programe Cisco akademije mrežnih tehnologija,
- 2) izvođenje obuke i testiranja za programe Oracle akademije,
- 3) izvođenje obuke i testiranje u okviru autoriziranog Certiport testnog centra,
- 4) izvođenje obuke i testiranja za ECDL i druge programe informatičke pismenosti,
- 5) izvođenje obuke i testiranja za programe STEM edukacije,
- 6) izvođenje obuke i testiranja iz drugih oblasti IKT – standardni i specijalistički IKT programi,
- 7) izvođenje obuke i testiranja iz oblasti poslovanja, poslovno-komunikacijskih vještina i stranih jezika,
- 8) izvođenje obuke prema potrebama određenih grupa – specijalistički programi,
- 9) ispitni/testni centar za industrijske certifikate,
- 10) izvođenje drugih programa obrazovanja, kao i programa korištenja online obrazovnih resursa, van okvira studijskih programa, a koji se realizuju za treća lica putem kurseva, seminara, radionica i drugih oblika obrazovanja koji nisu definisani stepenima obrazovanja.

(3) Prijedlog programa iz stava (2) ovog člana utvrđuje direktor Visoke škole.

(4) Lice upisano na programe iz stava (2) ovog člana nema status studenta, te mu se nakon uspješno savladanog programa izdaje uvjerenje, potvrda ili diploma o uspješno svladanom programu.

(5) U okviru ACU eMPIRICA djeluju sljedeće akademije i centri:

- 1) Lokalna Cisco akademija VS eMPIRICA,
- 2) Oracle akademija,
- 3) STEM akademija,
- 4) Certiport testni centar.

(6) Centar za obrazovanje na daljinu pruža tehničku, didaktičku i organizacionu podršku za e-učenje i studij na daljinu. Centar saraduje sa akademskim i drugim osobljem, kao i drugim centrima i uredima Visoke škole u cilju razvoja e-sadržaja, izvođenja i evaluacije e-učenja za studijske programe na daljinu, a u skladu sa nastavnim planom i programom, analitikom silabusa, raspoloživim nastavnim i stručnim osobljem, materijalnim i tehničkim sredstvima.

(7) ICT Business Innovation Center eMPIRICA je poslovno-inovacijski centar koji ima za cilj promovisanje preduzetništva i samozapošljavanja u IKT području među studentima i mladim stručnjacima, a kroz edukaciju, obezbjeđenje potrebne infrastrukture i asistenciju pri pokretanju i razvoju IKT poslovnih ideja i kompanija.

*(8) Osnovna djelatnost Ureda za međunarodnu saradnju je razvoj međuinstitucionalne i međunarodne saradnje, te obavljanje savjetodavnih, administrativnih i koordinacijskih poslova prilikom prijavljivanja i učestvovanja Visoke škole u međunarodnim naučno-istraživačkim i stručnim programima, programima mobilnosti studenata, akademskog i administrativnog osoblja, i drugim dostupnim programima i projektima.*

*(9) Visoka škola, u skladu sa zakonskim propisima i odlukama nadležnih organa, može ustanoviti i druge centre i urede, dijeliti ih, spajati i ukidati. Ove odluke donosi direktor.*

#### **Član 24.**

##### *Voditelj centra / voditelj ureda na Visokoj školi*

*(1) Voditelj centra / voditelj ureda na Visokoj školi rukovodi centrom / uredom u skladu sa zakonom, Statutom i drugim općim aktima Visoke škole.*

*(2) Voditelja imenuje direktor Visoke škole na mandatni period od dvije godine, nakon čega može biti ponovno biran na tu funkciju.*

#### **Član 25.**

##### *Nadležnost voditelja centra / voditelja ureda*

*Voditelj centra / voditelj ureda:*

- 1) organizuje i koordinira radom centra / ureda u skladu sa Statutom i drugim općim aktima i odgovoran je za zakonitost rada centra;*
- 2) predlaže opće i pojedinačne akte iz djelokruga rada centra / ureda u skladu sa zakonom i Statutom;*
- 3) predlaže direktoru Visoke škole mjere za efikasno i zakonito obavljanje djelatnosti centra / ureda;*
- 4) predlaže direktoru Visoke škole osnove planova rada i razvoja centra / ureda;*
- 5) izvršava odluke direktora Visoke škole, Senata, Upravnog odbora i drugih organa Visoke škole;*
- 6) podnosi direktoru Visoke škole izvještaj o programskom i finansijskom poslovanju centra / ureda;*
- 7) koordinira i prati provedbu poslova i aktivnosti iz djelokruga rada centra / ureda,*
- 8) obavlja i druge poslove u skladu sa zakonom i Statutom.*

*(2) Voditelj centra/voditelj ureda jednom godišnje podnosi direktoru Visoke škole izvještaj o svom radu i radu centra / ureda.*

#### **Član 26.**

*Razrješenje voditelja centra / voditelja ureda na Visokoj školi, te izbor vršioca dužnosti voditelja centra / voditelja ureda je u nadležnosti direktora Visoke škole.“*

#### **Član 14.**

*U članu 28. u stavu (1) briše se riječ „se“ iza Nastava, a nakon riječi studiranja dodaje se „što se bliže utvrđuje odlukom Senata.“*

U stavu (3) istog člana brišu se riječi „zdravstvenim i“.

U stavu (4) istog člana riječi „Praktični rad“ se mijenjaju sa „*Praktično obrazovanje*“

U stavu (5) istog člana iza riječi „studiranja“ se dodaju riječi: „*na Visokoj školi računarstva i poslovnih komunikacija eMPIRICA u Brčko distriktu BiH (u daljem tekstu: Pravila studiranja).*“

#### **Član 15.**

U članu 29. iza riječi „i sa istim“ dodaju se riječi: „*ili odgovarajućim*“.

#### **Član 16.**

U članu 30. stav (5) mijenja se i glasi:

*„(5) Svaki semestar nosi 30 ECTS kredita, studijska godina 60 ECTS kredita, a nakon završetka školovanja, student stiže diplomu koja nosi 180 ECTS kredita ili 240 ECTS kredita. Školovanje na Visokoj školi je trogodišnje (6 semestara), odnosno četverogodišnje (8 semestara).“*

#### **Član 17.**

U članu 31. u stavu (2) riječ „deset“ mijenja se sa riječi „*sedam*“.

#### **Član 18.**

U članu 35. u nazivu člana iza riječi „Ugovor“ se dodaju riječi: „*o studiranju*“.

#### **Član 19.**

U članu 36. brišu se stavovi (2) i (3) te dosadašnji stav (4) postaje stav (2) i dodaju se novi stavovi (3) i (4) koji glase:

*„(3) Asistent na predmetu je u skladu s obavezama utvrđenim nastavnim planom i programom odgovoran za izvođenje svih oblika nastave, kako klasičnih tako i na daljinu: vježbi, seminara, praktičnog rada kao i za praćenje aktivnosti studenata i provjeru njihovog znanja, uz nadzor predmetnog nastavnika.*

*(4) Nastavnik i asistent dužni su da kontinuirano u toku nastave pružaju pomoć studentima organiziranjem konsultacija koje mogu biti u vidu kabinetskih konsultacija, konsultacija u učionici te online i drugih oblika elektronskih komunikacija konsultacija.“*

#### **Član 20.**

U članu 38. u stavu (1) se riječ „nastave“ mijenja sa „*nastavnog procesa*“.

#### **Član 21.**

U članu 41. u stavu (1) se brišu riječi „studijskih bodova“, a stav (4) istog člana mijenja se i glasi:

*„(4) Student koji obnavlja studijsku godinu obavezan je platiti naknadu za obavljanje ispita prilikom svakog ponovnog polaganja završnog ili popravnog ispita za predmete iz studijske godine koju obnavlja, u visini koju utvrdi direktor, odnosno dužan je platiti školarinu koja se umanjuje proporcionalno broju prethodno ostvarenih ECTS kredita na studijskoj godini koja se obnavlja, a što je definisano Ugovorom o studiranju.“*

#### **Član 22.**

U članu 42. u stavu (2) brišu se riječi „studijskih bodova“

### **Član 23.**

Član 43. mijenja se i glasi:

*„Završni rad*

*Po završetku nastave, ovjere šestog semestra, odnosno ovjere osmog semestra, položenih ispita iz svih predmeta, student pristupa izradi završnog rada - diplomskog rada, u skladu sa Pravilnikom o završnom radu na prvom ciklusu studija Visoke škole računarstva i poslovnih komunikacija eMPIRICA u Brčko distriktu BiH.“*

### **Član 24.**

U članu 44. iza riječi „Ugovorom“ dodaju se riječi „o studiranju“.

### **Član 25.**

U članu 45. u stavu (1) mijenja se tačka 5) i glasi:

*„5) ne završi studij u vremenskom roku definiranom Ugovorom o studiranju, a da pritom nije potpisao Ugovor o završetku studija sa Visokom školom.“*

### **Član 26.**

U članu 46. riječ „Senat“ mijenja se sa riječi „direktor“.

### **Član 27.**

Član 48. mijenja se i glasi:

*„Mobilnost studenata*

*(1) Studenti Visoke škole, odnosno studenti drugih visokoškolskih ustanova, kroz program mobilnosti imaju pravo da provedu jedan semestar ili studijsku godinu na Visokoj školi (student druge visokoškolske ustanove), odnosno na drugoj visokoškolskoj ustanovi u zemlji i inostranstvu (student Visoke škole).*

*(2) Uslovi, način i postupak sticanja statusa gostujućeg studenta, prava i obaveze istih kao i način priznavanja ostvarenih ECTS kredita bliže se uređuju odgovarajućim aktima Visoke škole.*

*(3) Studentima studijskog programa Poslovna informatika na Visokoj školi, koji u okviru programa mobilnosti provedu jedan semestar ili studijsku godinu na Visokoj školi za poslovne vede iz Ljubljane u okviru studijskog programa Poslovna informatika, automatski se priznaju ostvareni ECTS krediti po povratku na Visoku školu, s obzirom da se radi o istovjetnim studijskim programima.“*

### **Član 28.**

Član 50. mijenja se i glasi:

*„(1) Pod lakšim povredama obaveza studenata smatraju se:*

- 1) dolazak na predavanje, vježbe i druge obavezne oblike nastave sa zakašnjenjem ili neopravdano napuštanje prije određenog vremena;*
- 2) neprimjeren odnos prema studentima, nastavnicima, saradnicima i drugim zaposlenicima Visoke škole;*
- 3) prouzrokovanje štete u manjem obimu, krajnjom nepažnjom ili namjerno;*
- 4) neprijavlivanje težih povreda dužnosti drugih studenata;*



5) iznošenje netačnih informacija o radu i poslovanju Visoke škole i

6) ostali vidovi ponašanja studenta koji su u suprotnosti sa Etičkim kodeksom studenata Visoke škole računarstva i poslovnih komunikacija eMPIRICA u Brčko distriktu BiH i akademskim načelima ponašanja, a koji se mogu svrstati u lakše povrede obaveza studenata.

(2) Kao teže povrede obaveza studenata utvrđuju se:

1) falsifikovanje isprava uopšte, a naročito javnih isprava koji izdaje Visoka škola (indeks, ispitne prijave, uvjerenja i dr.);

2) davanje neistinitih podataka nadležnim licima i organima Visoke škole, radi ostvarivanja prava koja im po važećem propisu ne pripadaju;

3) korištenje nedozvoljenih sredstava na ispitu;

4) oštećenje ili otuđenje imovine Visoke škole;

5) dolazak na Visoku školu, za vrijeme izvođenja nastave, pod dejstvom alkohola ili drugih narkotičnih sredstava;

6) izazivanje nereda ili tuče na Visoke škole;

7) neredovno učestvovanje u nastavi, ukoliko se time onemogućava kolektivan rad ostalih studenata;

8) učestvovanje u projektima izvan Visoke škole bez prethodne saglasnosti Visoke škole, ukoliko je Pravilnikom o studiju takva saglasnost utvrđena kao neophodna i

9) ostali vidovi ponašanja studenta koji su u suprotnosti sa Etičkim kodeksom studenata Visoke škole računarstva i poslovnih komunikacija eMPIRICA u Brčko distriktu BiH i akademskim načelima ponašanja, a koji se mogu svrstati pod teže povrede obaveza studenata, odnosno imaju obilježja krivičnog djela.“

#### **Član 29.**

U članu 51. u stavu (2) riječ „dužnosti“ mijenja se sa riječima: „obaveza studenata“.

#### **Član 30.**

U članu 52. briše se stav (1), te dosadašnji stavovi (2), (3) i (4), postaju (1), (2) i (3).

#### **Član 31.**

Član 55. mijenja se i glasi:

„(1) Zahtjev za pokretanje postupka za utvrđivanje postojanja povreda obaveza studenata direktoru Visoke škole može podnijeti nastavnik, asistent, student ili drugo lice koje ima saznanja o postojanju povreda obaveza studenata, uz obrazloženje i po mogućnosti uz predočenje relevantnih dokaza, u obliku usmene ili pismene prijave.

(2) Na osnovu podnesenog zahtjeva iz prethodnog stava ili na vlastitu inicijativu kojoj prethodi saznanje o povredi, odnosno prikupljenih dokaza, direktor donosi odluku o pokretanju postupka za utvrđivanje postojanja povreda obaveza studenata.

(3) Postupak iz prethodnog stava može se pokrenuti u roku od 6 (šest) mjeseci od dana saznanja za povredu obaveze i počinioca, a najkasnije 12 mjeseci od dana kada je povreda učinjena.

(4) Utvrđivanje postojanja povrede obaveze studenta u pokrenutom postupku i izricanje mjere vrši Komisija za izricanje mjera zbog povrede obaveze studenata (dalje: Disciplinska komisija).

(5) Disciplinska komisija se sastoji od predsjednika koji se bira iz reda nastavnika, odnosno asistenta, i dva člana koji se biraju iz reda studenata, kao i sekretara, koji je odgovoran za pravilnost rada komisije.

*(6) Predsjednika i članove Disciplinske komisije, imenuje direktor, nakon donošenja odluke o pokretanju postupka za utvrđivanje postojanja povreda obaveza studenata.“*

#### **Član 32.**

U članu 57. u stavu (2) riječ „Senatu“ mijenja se sa riječi: „direktoru“.

#### **Član 33.**

U članu 58. u stavu (2) u tački 4) riječ „saradnika“ mijenja se sa riječi „asistenta“.

U članu 58. stav (5) mijenja se i glasi:

*„(5) Studenti imaju obavezu pridržavati se Pravila studiranja, Pravila o načinu polaganja ispita i ocjenjivanju studenata na Visokoj školi računarstva i poslovnih komunikacija eMPIRICA u Brčko distriktu BiH i Etičkog kodeksa studenata Visoke škole računarstva i poslovnih komunikacija eMPIRICA u Brčko distriktu BiH.“*

#### **Član 34.**

Član 59. mijenja se i glasi:

*„(1) Studenti imaju pravo organizovati svoje studentske organizacije u kojima članstvo mogu ostvariti svi studenti koji imaju status studenata Visoke škole.*

*(2) Studentske organizacije se bave ostvarivanjem i zaštitom prava i interesa studenata u nastavnom, naučno-istraživačkom, stručnom, kulturnom, sportskom i drugom radu, kao i unaprijeđenjem životnog standarda i društvenog života studenata.“*

#### **Član 35.**

U članu 60. stav (4) mijenja se i glasi:

*„(4) Članovi akademske zajednice dužni su dobiti prethodnu saglasnost direktora kada javno nastupaju u ime Visoke škole.“*

#### **Član 36.**

U članu 62. dodaju se stavovi (2) i (3) koji glase:

*„(2) Nastavnik i asistent ne može biti biran u isto, odnosno više nastavno zvanje, prije isteka perioda iz člana 62. stav (1) ovog Statuta.*

*(3) Izuzetno od odredbe stava (1) ovog člana Senat će, na obrazložen prijedlog direktora Visoke škole o postojanju potrebe za nastavnikom, izabrati asistenta zaposlenog na Visokoj školi u nastavno zvanje predavača visoke škole i prije isteka perioda na koji je izabran, ukoliko ispunjava uslove za izbor u to nastavno zvanje i ukoliko je proveo u nastavi najmanje dvije godine nakon izbora u zvanje asistenta.“*

#### **Član 37.**

Član 63. mijenja se i glasi:

*„Uslovi za izbor u nastavna zvanja*

*(1) Minimalni uslovi za izbor u nastavna zvanja na Visokoj školi su za:*

- 1) Asistenta: završen stepen prvog ciklusa studija s najmanjom prosječnom ocjenom 8 ili 3,5, poznavanje engleskog jezika, osnovna informatička pismenost;*

- 2) *Predavača visoke škole: završen stepen drugog ciklusa studija, pokazana nastavna sposobnost, najmanje 1 (jedan) naučni ili stručni rad iz oblasti izbora objavljen u domaćim ili inostranim naučnim časopisima i zbornicima naučnih skupova, poznavanje engleskog jezika, osnovna informatička pismenost;*
- 3) *Profesora visoke škole: završen stepen trećeg ciklusa studija, proveden najmanje jedan izborni period u zvanju predavača visoke škole ili docenta na licenciranoj ili akreditiranoj visokoškolskoj ustanovi, najmanje 5 (pet) naučnih radova iz oblasti izbora objavljenih u domaćim ili inostranim naučnim časopisima i zbornicima naučnih skupova, objavljena publikacija iz oblasti izbora, stručni uspjeh kao što je projekat, patent ili originalni metod.*

*(2) Senat Visoke škole može definisati i dodatne uslove za izbor u sva nastavna zvanja, prilikom raspisivanja Konkursa.“*

### **Član 38.**

Član 64. mijenja se i glasi:

*„Izbor akademskog osoblja u sva nastavna zvanja vrši se putem javnog konkursa za izbor nastavnika i asistenta sa zasnivanjem radnog odnosa zbog postojanja potrebe za izborom nedostajućeg akademskog osoblja ili zbog izbora u više zvanje ili reizbora nastavnika, odnosno izbora u više zvanje asistenta, zaposlenih na Visokoj školi, odnosno putem javnog konkursa za izbor nastavnika i asistenta bez zasnivanja radnog odnosa na Visokoj školi, zbog postojanja potrebe za izborom nedostajućeg akademskog osoblja.“*

### **Član 39.**

U članu 65. u stavu (1) riječ „nastavnonaučnog“ mijenja se sa riječi: „nastavnog“. Iz stava (3) istog člana brišu se riječi: „i to u obimu do 30% planiranih nastavnih sati na predmetu.“

### **Član 40.**

Iza člana 65. dodaje se novi član 65a. koji glasi:

*„Član 65a.*

*Mirovanje izbornog perioda*

*(1) Nastavniku i asistentu izabranom na Visokoj školi koji je na porodiljskom odsustvu i odsustvu radi njege djeteta, bolovanju u trajanju dužem od tri mjeseca i u drugim slučajevima utvrđenim zakonom, rokovi za izbor u nastavna zvanja miruju za period trajanja odsustva i ne uračunavaju se u izborni period, ukoliko je to za nastavnika, odnosno asistenta povoljnije.*

*(2) O mirovanju izbornog perioda odlučuje Senat, na zahtjev nastavnika odnosno asistenta, uz koji se prilaže odgovarajući dokaz o razlozima iz prethodnog stava ovog člana.“*

### **Član 41.**

Član 66. mijenja se i glasi:

*„U izvođenju nastavnog i naučno-istraživačkog procesa nastavnici imaju prava i obaveze da:*

- *vrše pripreme i u potpunosti održavaju nastavu prema rasporedu nastave, u predviđenom broju časova utvrđenim nastavnim planom i prema sadržaju utvrđenim nastavnim programom, za redovne studente i studente na daljinu;*

- vrše pripreme i objavljuju e-materijale, kreiraju e-učionice i kontinuirano izvode nastavu, periodičke provjere znanja, evaluacije i druge aktivnosti učenja na daljinu na portalu eCampus za redovne studente i studente na daljinu;
- vode evidenciju o prisustvu studenata nastavi, obavljenim ispitima i postignutom uspjehu studenata;
- organizuju i izvode naučno-istraživački rad;
- preporučuju udžbenike i priručnike za nastavne predmete koje izvodi;
- redovno održavaju provjere znanja studenata prema rasporedu, u propisanim rokovima i putem svih utvrđenih oblika provjere znanja;
- obavljaju konsultacije sa studentima u svrhu savladavanja nastavnog programa;
- predlažu usavršavanje i preispitivanje nastavnog plana i programa predmeta;
- predlažu teme i budu mentor studentima pri izradi završnog rada;
- podnose mjesečni i semestralni izvještaj o održanoj nastavi;
- podnose izvještaj o prolaznosti na nastavnim predmetima na kojima izvodi nastavu;
- rade sa asistentima, laborantima i demonstratorima u cilju njihove edukacije i osposobljavanja za izvođenje vježbi;
- učestvuju u radu komisija za pripremu prijedloga za izbor nastavnika i asistenata;
- učestvuju u radu komisija, Senata i drugih stručnih organa Visoke škole;
- aktivno učestvuju u naučno-istraživačkim, stručnim i drugim projektima u kojima učestvuje Visoka škola;
- kontinuirano rade na podizanju svojih naučnih, stručnih, nastavnih i drugih znanja, vještina i kompetencija, a u skladu sa Pravilnikom o kontinuiranom usavršavanju akademskog osoblja na Visokoj školi računarstva i poslovnih komunikacija eMPIRICA;
- obavljaju i druge poslove u skladu sa zakonom, Statutom i drugim općim aktima Visoke škole.“

#### Član 42.

Član 67. mijenja se i glasi:

„U izvođenju nastavnog i naučno-istraživačkog procesa asistenti imaju prava i obaveze da:

- vrše pripreme i izvode vježbe pod stručnim nadzorom nastavnika prema rasporedu nastave, u predviđenom broju časova utvrđenim nastavnim planom i prema sadržaju utvrđenim nastavnim programom, za redovne studente i studente na daljinu;
- pod stručnim nadzorom nastavnika vrše pripreme i objavljuju e-materijale, kreiraju e-učionice i kontinuirano izvode nastavu, periodičke provjere znanja, evaluacije i druge aktivnosti učenja na daljinu na portalu eCampus za redovne studente i studente na daljinu;
- pomažu nastavniku u pripremi nastavnog i naučno-istraživačkog procesa;
- vode evidenciju o prisustvu studenata na vježbama;
- sarađuju u organizaciji i učestvuju u održavanju svih oblika provjere znanja studenata i vode evidenciju o uspješnosti studenata;
- obavljaju konsultacije sa studentima;
- podnose mjesečni i semestralni izvještaj o održanoj nastavi;
- rade na sopstvenom stručnom usavršavanju radi pripremanja za samostalan naučno-istraživački rad u svrhu sticanja višeg naučnog stepena;
- učestvuju u radu komisija i stručnih organa Visoke škole;

- *aktivno učestvuju u naučno-istraživačkim, stručnim i drugim projektima u kojima učestvuje Visoka škola;*
- *kontinuirano rade na podizanju svojih naučnih, stručnih, nastavnih i drugih znanja, vještina i kompetencija, a u skladu sa Pravilnikom o kontinuiranom usavršavanju akademskog osoblja na Visokoj školi računarstva i poslovnih komunikacija eMPIRICA;*
- *obavljaju i druge poslove u skladu sa zakonom, Statutom i drugim općim aktima Visoke škole.“*

#### **Član 43.**

U članu 69. dodaje se novi stav (2), a dotadašnji stavovi (2) i (3) postaju novi stavovi (3) i (4).

Novi stav (2) glasi:

*„(2) Izuzetno od odredbe stava (1) ovog člana, radni odnos na Visokoj školi može se zasnovati na određeno vrijeme bez raspisivanja javnog konkursa/oglasa u slučaju neophodne zamjene iznenadnog odsutnog akademskog osoblja do kraja akademske godine.“*

U novom stavu (4) iza riječi „istraživača“ dodaje se riječ „laboranta“.

#### **Član 44.**

U članu 70. u stavu (3) riječ „Senat“ mijenja se sa riječi „direktor“.

#### **Član 45.**

Član 71. mijenja se i glasi:

*„(1) Zaposlenici Visoke škole, kao i povezana lica, moraju se u svom radu, djelovanju i ponašanju držati moralnih načela i načela profesionalne etike te svoj rad temeljiti na slobodi naučnog rada i stvaralaštva, posebno se vodeći Etičkim kodeksom nastavnika Visoke škole računarstva i poslovnih komunikacija eMPIRICA u Brčko distriktu BiH.*

*(2) Senat donosi Etički kodeks nastavnika Visoke škole računarstva i poslovnih komunikacija eMPIRICA u Brčko distriktu BiH, u skladu sa dostojanstvom i ugledom Visoke škole.“*

#### **Član 46.**

U članu 72. stav (3) mijenja se i glasi:

*„(3) Nakon usvajanja Statuta ili izmjena i dopuna Statuta, Visoka škola dostavlja Statut, odnosno Odluku o izmjenama i dopunama Statuta sa mišljenjem Upravnog odbora Odjelu za obrazovanje Vlade Brčko distrikta, radi pribavljanja rješenja o usklađenosti Statuta, odnosno izmjena i dopuna Statuta sa zakonom.“*

#### **Član 47.**

U članu 73. iz stava (1) brišu se riječi „kolektivnim ugovorom“

U članu 73. stav (2) mijenja se i glasi:

*„(2) Pravilnik o plaćama, naknadama i drugim primanjima zaposlenika na Visokoj školi računarstva i poslovnih komunikacija eMPIRICA, Pravilnik o kontinuiranom usavršavanju akademskog osoblja na Visokoj školi računarstva i poslovnih komunikacija eMPIRICA, kao i druge opće akte koji nisu vezani za akademska pitanja, donosi Upravni odbor u skladu sa zakonom i ovim Statutom;“*

#### **Član 48.**

U članu 74. u stavu (1) u tački 10) riječ „akademska“ mijenja se sa riječi: „nastavna“.

#### **Član 49.**

U članu 75. u stavu (1) tačka 1) i 2) mijenjaju se i glase:

- „1) *Diploma o završenom prvom ciklusu studija;*
- 2) *Dodatak diplomi;*“

#### **Član 50.**

Naslov poglavlja XVII. se mijenja i glasi: „*XVII. PRIZNAVANJE PERIODA STUDIJA STEČENOG NA INOSTRANIM VISOKOŠKOLSKIM USTANOVAMA*“

Mijenjaju se članovi 76., 77., 78. i 79. i glase:

#### *„Član 76.*

*Visoka škola, na zahtjev državljana BiH, stranih državljana, lica bez državljanstva, lica koja imaju pravni interes za to, vrši priznavanje perioda studija kroz priznavanje ispita položenih na inostranim visokoškolskim ustanovama i studijskim programima radi nastavka studija na Visokoj školi.*

#### *Član 77.*

*Visoka škola priznaće period studija stečen u inostranstvu ukoliko je u okviru akreditovanog/licenciranog programa visokog obrazovanja, a na osnovu sprovođenja postupka priznavanja ispita položenih na drugim visokoškolskim ustanovama i studijskim programima definisanog u Pravilima studiranja.*

#### *Član 78.*

*Priznavanje inostranih dokumenata na osnovu kojih se sprovodi postupak u članu 77. vrši se uz prethodno pribavljanje informacija od Centra za informisanje i priznavanje dokumenata iz oblasti visokog obrazovanja (dalje: CIP), o stranim visokoškolskim ustanovama i programima na kojima je stečen period studija.*

#### *Član 79.*

*Visoka škola vodi i trajno čuva evidenciju o priznatim ispitima položenih na inostranim visokoškolskim ustanovama i studijskim programima radi nastavka studija na Visokoj školi.“*

#### **Član 51.**

Ova odluka stupa na snagu danom donošenja.

PREDSJEDNIK

SENATA VISOKE ŠKOLE eMPIRICA

---

mr.sci. Muhdin Mujačić, dipl.ing.el.

DOSTAVITI:

1x Senat Visoke škole eMPIRICA

1x Odjeljenje za obrazovanje Brčko distrikta BiH

1x a/a